

Nederlands

't **Nederlands** of **Nederlans** is de naem voe de offisjeële taele van Nederland en Vlaonderen, die-a deur zekers 23 miljoen mensen as cultuurtaele gebruikt wort en deur vee van ulder ok as moerstaele in gebruik is. Vadder wor de term *Nederlands* ok gebruikt voe 'n antal Nederduitse dialect'n op Nederlandse, Vlaemse en Frans-Vlaomse grond. Dikkels wor voe "Nederlands" ok 'Ollands ezeid, mae feitelik is dit alleêne de streektaele van (Noôrd- en Zuid-)'Olland. In België wor 't Nederlans nogaol is *Vlaems* genoemd, wat a ok al gin juuste naem is.

Woôrschat

Ni schattieng tel de Nederlandse taele zò een eên miljoen woôrn. Ierbovenop zien der nog miljoene bieni of aelemille in onbruuk herikte woôrn. Ok zien der in 't Nederlands vee synonieme woôrn, mistal een Germaonse en Romaonse variante. Iervan worn de Germaonse woôrn vaak in spreektaele en de Romaonse in schrieftaele en bie offisjele hehlenheid'n hebruukt.

Geschiedenisse

De geschiedenisse van 't Nederlans wort opgedeêld in 3 'oofdfas'n: van 't Oudnederlans, 't Middelnederlands en 't Nieuwnederlans. In de zestiende eeûw krieg 't Nederlans 'n standaardvorm.

't Afrikaons is 'n taele die-a in de zeventiende eeûw uut 't Nieuwnederlands ontstaen is.

Classificaotie

- Indo-Europees
 - Germaons
 - West-Germaons
 - Nederfrankisch
 - **Nederlands**

Nederlands (ok wè Nederlans) (Nederlands)

Hesproken in: Nederland, België, in dialect'n in Frankriek en Duutsland. Buten Europa in Surinaome, de Antill'n, Aruba, Indonesië en Zuud-Afrika.

Sprekers: 23 miljoen moedertaalsprekers, mie Afrikaons derbie 30 miljoen.

Rang: 37-48 (ofankelijk van telwieze)

- Taelfemielje Indo-Europees
- Germaons
 - West-Germaons
 - Nederfrankisch
 - **Nederlands**

Alfabet: Latiens
Offisjele staotus

- Offisjeel in:
- Aruba
 - België
 - Nederlanse Antill'n
 - Nederland
 - Surinaome

Taelcodes
ISO 639-1: nl **ISO 639-2(B):** - **ISO 639-3:** -
SIL: nld

Truggeplekt van "<https://zea.wikipedia.org/w/index.php?title=Nederlands&oldid=108679>"

Deêze bladzie is vò 't lèst bewerkt op 18 feb 2019 om 14:25.

De tekst is beschikbaar onder de licentie [Creative Commons Naamsvermelding-Gelijk delen](#). Er kunnen aanvullende voorwaarden van toepassing zijn. Zie de [Gebruiksvoorwaarden](#) voor meer informatie.